



Von sonderlicher erhöhūg des
Hauses vnd Landes zu Weysen / nemlich wie das
Herzogthumb zu Sachsen / vnd darauff stehende Churfürst-
liche wurde / an den hochlöblichen Stamm
zu Meyssen kommen.

Der XVI. Tittel.

Alter ge-
brauch in der
Herren Ges-
schlechtern.

Sechssich Ges-
schlecht groß
glück gehabt.



S ist aus dem / so bisher gesagt /
zuuerstehen / das das Geschlecht der Marga-
graffen zu Weysen / ob sie wol ihrer ankunfft aus Kö-
niglichem Stamm aus Sachsen / doch ein zeitlang nur
wie zurselben zeit breuchlich gewesen (nemlich das die
eltesten Brüder allein succedirt / die andern abgewiesen /
vnd nur für Herren gerechnet worden / danon wir an-
derswo mehr sagen wollen) Graffen Stände geführet.
Darneben aber auch / wie dasselbe hochlöbliche Ges-
schlecht nichts desto weniger von Tag zu Tag an Land
vnd Leuten / Güttern vnd Reichthumb / ansehen vnd gewalt / von wegen ihrer tu-
genden vnd glück aus reichem Gottes segen an Bergwerck / zufallenden vnd eröbers-
ten Landen zugenommen vnd herfür kommen sey. Wir habens aber nicht alles
nottürfftig in einem Tittel begreiffen können / derwegen noch etwas folgend dauon
zu sagen.

Sechssich
Geschlecht
viel Land
schafft gehabt

ES ist sich wol hierüber zuerwundern / weil eben dis löbliche
Geschlecht auch neben ihrem grossen Glück / so viel vnglücks / hinderlist / vntrew /
schwere ausländische / auch hoch gefehrliche innerliche Kriege führen vnd aussuchen
müssen (Sintemal auch etliche Römische Keyser / als / damit wir der alten / darunter
Henricus IIII. gewesen / geschweigen / hernach fürnemlich Henricus VI. Otto IIII.
Adolphus / Albertus I. vnd Henricus VII. bisweilen in freundes gestalt vnd heim-
lich / bisweilen öffentlich vnd mit ganker macht / wider sie gewesen / welches zum
theil in der Städte Chronicken / als von der Stad Freyberg gedacht / vnd folgend et-
was im 20. Tittel sol erwehnet werden) Dennoch solches alles haben mit Mäntlicher
dapfferkeit vnd fürsichtigkeit austawren vnd glücklich oberwinden können.
welchem denn ohne allen zweiffel nicht wenig geholffen / das der Allmechtige mit sei-
ner starcken Hand vber ihnen gehalten / vnd dagegen andere trewe Freunde vnter den
Monarchen vnd hohen Potentaten bescheret / welche sie zum theil anfanglich wegen
ihrer Tugend vnd trewen diensten erhaben / zum theil ihnen wider ihre Feinde schutz
gehalten / oder sonst in nöten trewen beystand / geleistet / als fürnemlich gewesen sein
Carolus Magnus / Item / ihre Vettern Henricus Aucaps / die Ottones / Item Lo-
tharius Saxo / Fridericus Barborossa / Fridericus der ander / Rudolphus / Ludouic
cus Bavarus / Sigismundus / Fridericus der dritte / etc.

Sechssich Ges-
schlecht dages-
gen gute
Freunde ges-
habt.

Zu
Aber